

Nærings- og fiskeridepartementet
Postboks 8090 Dep
0032 OSLO

Sakshandsamar: Monika Haugland
Telefon: 47361926
Seksjon: Kyst- og havbruksavdelingen
Vår referanse: 14/12304
Dykkar referanse: 14/7918-43
Vår dato: 20.01.2015
Dykkar dato: 22.12.2014

Att: Brit Tørud

TILLEGGSHØRING - FORSKRIFT OM FELLESANSVAR FOR REDUKSJON AV RØMT OPPDRETTSFISK

Vi viser til brev sendt frå departementet 22.12.2014 om tilleggshøyring til forskrift om fellesansvar for reduksjon av rømt oppdrettsfisk. Endringa i § 7 vil etter vårt syn gjere at forskrifta blir betre egna for å oppfylle føremålet, nemleg å redusere påverknaden på ville bestandar av laksefisk.

I høyringssvaret til forskrifta uttrykte Fiskeridirektoratet at vi er positiv til ei ordning der alle innehavarar av løyve til akvakultur med laks, aure og regnbogeaure skal vere med å betale for uttak av rømt fisk. Det er eit tydeleg behov for meir systematisk planlegging og operasjonisering av tiltak for å redusere påverknaden på bestandar av villaks. Forslaget til forskrift er lagt opp slik at samanslutninga skal planlegge og organisere utfiske basert på kunnskap levert av det nasjonale overvåkingsprogrammet.

I tilleggshøyringa vert det foreslått eit nytt ledd i § 7 om samanslutninga sitt økonomiske ansvar: «*Samanslutninga skal dekkje utgifter Fiskeridirektoratet har til tiltak ved akutte hendingar i dei høve ein ikkje med overvekt av sannsyn kan identifisere kjelda (kjeldene) til den rømte fisken. Dette gjeld i sjø og elver, uavhengig av om elva er dekt av styresmaktenes overvåkingsprogram.*»

Fiskeridirektoratet tok i sitt første høyringssvar opp ansvaret vi har for å handtere akutte rømmingshendingar og utfordringa med å dekkje utgifter til tiltak dersom kjelda er ukjent. Vi peikte også på at slike situasjonar kan krevje tiltak i område som ikkje er del av det nasjonale overvåkingsprogrammet.

Slik vi ser det vil endringa i § 7 løyse denne utfordringa og gjere at forskrifta blir betre egna til å oppfylle føremålet som er å redusere påverknaden på ville bestandar av laksefisk.

Med helsing

Jens Christian Holm
direktør

Henrik Hareide
seniorrådgiver

Mottakarliste:

Nærings- og fiskeridepartementet Postboks 8090 Dep 0032 OSLO